



職方典第二百九十八卷

太原府部彙考六

太原府公署考

府志

本府

陽曲縣附郭

府署在縣治東明洪武間知府胡惟建嘉靖間知府於惟一重修萬曆間知府關廷訪再修

皇清順治七年知府曹時舉九年知府邊大綬相繼增修

同知署駐平定州

中路同知署

西路同知署理事通判署經歷司署照磨所署司獄司署俱在府治內

稅課司署在南關

大盈倉在布政司西

陽曲縣署在本府西明洪武五年建中爲堂扁曰牧愛後爲穿堂又後爲退食堂幕廳在堂右會計所在堂左其堂下東西分爲六曹二門內爲戒石亭外爲儀門縣廡在堂北堂西爲吏舍堂下二門西犴獄二門外西爲賓賓館南北東環房收錢糧之所大門外坊牌明弘治五年創建嘉靖二十八年家丁叛燬堂劫庫縱獄囚知縣李珮重建旌善亭甲明亭在縣治前

皇清仍舊

縣丞署在堂西

典史署與縣丞宅近

陰陽學醫學俱在牛市街東

僧

綱司在崇善寺

道紀司在城隍廟

巡撫山西都察院署在本府治東

皇清康熙十三年重修

巡鹽御史察院在運司東街

山西承宣布政使司署在本府治東明洪武初因元行中書省改建

皇清康熙十三年重修

布政司經歷署理問所署照磨所署都事所署豐贍庫軍需庫俱在本

司內

山西提刑按察使司署在本府治西南明洪武三年建

皇清康熙十一年重修十九年再修

按察司經歷署在本司內

按察司知事所署在本司

外 按察司照磨所署檢校所署司獄司署俱在本司內久裁

分守冀寧兼驛傳糧儲道署在布政司東 提學道署舊在按察司西今在司內

皇清康熙十二年重修

舊分巡道署在按察司東裁

舊會議府在都司街西係舊督稅府

屯田翼寧道署在本府城內裁

清軍御史察院在本府城內裁

南察院在大南門街

貢院周圍一百四十三步地爲畝四十七有奇建在迎澤門東承恩門西面城背水形勢崇高
牌房三間曰登明選公東西角門內明遠樓曰爲國薦賢又曰日監在茲瞭望樓四東觀西壁
斗橫宿曜供給有所吏承有房東西羅列號舍四千餘座至公堂七間曰賢俊登仙所四瓣封
對讀謄錄受卷中衡鑑堂五間又藻鑑堂五間內籩掄材堂七間五經房七間藩臬提調監試
收掌試卷館各一先年號舍木板攢造忌回祿明隆慶庚午易以磚一勞永逸前有奎光樓登
仙橋規制壯麗可觀 考院卽新三立書院在新南門內侯家巷

皇清順治年間建

天門關巡檢司署在縣西北六十里

石嶺關巡檢司署在縣北一百里

預備倉織造局在布政司西

惠民藥局在府治西隅黑虎廟內明萬曆三十八年建

總鎮府在都察院東南係舊察院

分鎮府在按察司西

叅將公署

皇清順治九年重修

都司署在分鎮府西

太原左前二衛署在按察司西因公署傾圮僦

居民舍

舊右衛署在按察司西

演武場在府西關外一里許正西傍汾水濱

確

場在城中豬頭巷市明萬曆三十六年建 養濟院在城南老軍營 漏澤園在城牛站

外州縣

太原縣署在城十字街東明洪武八年知縣潘元英建成化七年知縣任亨重修弘治十四年知縣李曜重修其制牧愛堂三楹大門三楹儀門三楹角門一間戒石亭在堂前有碑後廳三楹幕廳在堂東三楹官庫在堂西三楹六房十二楹儀仗庫在儀門外西土地祠在儀門外東本縣宅在後廳後內有樓知縣焦古思建 公廨在西三房後 獄在儀門內西 馬

房在儀門內東 旌善亭在大門外東 申明亭在大門外西 縣丞宅在幕廳東北

主簿宅在官庫西北裁 典史宅在東三房後 陰陽學醫學俱廢 僧會司道會司

布政分司署在東街北明景泰元年建 按察分司署在北街東舊府亭明嘉靖二十八年

建 察院在東街北明洪武十八年建 預備倉在城西南明永樂三年建 惠民倉

在文廟西北 社倉有六一在東街太山廟寄一在晉祠鎮一在南堰堡一在西寨堡一在

小店鎮一在溫莊村 恆心倉在文廟東 養廉倉在文廟東 稅課局廢革 惠

民藥局在南街東因民居改學後 演武場在南門外東將臺一座闊一百一十步長一百

步後廢明天啟三年重建 養濟院在南街西明洪武十年建嘉靖十一年遷於預備倉北

漏澤園

榆次縣署在城中央宋改并州治此中爲堂扁曰牧愛後爲穿堂又後爲退堂幕廳在堂左會
計所在堂右東西分列六曹南爲譙樓扁曰思鳳外爲儀門內爲戒石亭穿堂左爲內庫知縣
廡在堂北退堂東爲吏舍又東爲倉倉東兵器庫在焉土地祠在譙樓左旌善亭在儀門東申
明亭在儀門西明洪武三年知縣林昇建宣德五年知縣曹顯修成化間知縣梁琮正德間知
縣蘇民鄭德崇相繼增飾後六曹薦燬於火知縣尹綸雷雨重建其譙樓歲久且敝嘉靖二十
五年知縣俞鸞撤而新之愈極壯麗犴獄在縣治西舊止土垣年久頽圯往往越獄萬曆二十
五年知縣張鶴騰增修周圍磚甃上設堞口女牆四角建樓巡警晝夜不輟可免疎虞

皇清順治二年知縣耿宗舜改建縣署於分司後院正廳五間東西廳各三間 典史宅 陰

陽學 醫學俱廢 僧會司在常樂寺久廢 道會司在眞常觀毀 布政分司署

在察院東明正德四年建嘉靖二十四年繼葺 按察分司署在布政司東明宣德五年建
成化二十二年繼修 察院在縣治東明弘治十六年創建嘉靖二十五年重修 預備

倉舊在城外明永樂三年知縣曹永中移建縣治東置倉廩三十餘間成化二十三年知縣梁
琮重繕嘉靖三年知縣尹綸二十四年知縣俞鸞相繼增葺歲例積穀八百石 社倉有四

一在順城街東一在鳴謙鎮一在東陽鎮一在什貼鎮皆明隆慶間知縣王應辰建士民輸粟
於中每年春散秋斂遇歲賑濟免還萬曆三十二年知縣史記事見民室九空倉儲無幾定鄉
社二百所每社每年發穀四石共八百石申以爲例其放斂稽查利有約文勸民量輸平時借
以微息遇歉還其半大歉全給本年史記事發穀八百二十七石鄉民出一千八百七十五石
共二千六百九十二石倘行之不輟榆民其有賴乎 稅課局明正德九年罷嘉靖二十年

知縣李鵬葺理城垣承撫按公檄估鬻充費 惠民藥局在縣治東明萬曆二十七年建

演武場舊在縣城西南隅明嘉靖二十一年改創於城西數武許東西廣一百五十步南北袤

一百三十步 養濟院在常樂寺西 漏澤園在城北半里許

太谷縣署在城十字街北始於後周建德四年自陽邑城徙建元大德二年縣尹馬仲信再建明洪武三年知縣鄭養吾重建正德十四年知縣陳繼昌重建中堂六楹扁曰牧愛堂兩旁爲庫東贊政廳旁鋪長司併諸科而吏戶禮房序其下西架閣庫庫旁承發司併諸科而兵刑工房序其下堂下甬路兩旁皂隸房各一間中戒石亭前儀門儀門外東賓賓館三間改爲土地祠東南建賓賓館三間俱知縣喬允升新改建縣門上建譙樓近廢改爲大門三間堂後東書房右抄案房中宅門退堂四楹扁曰自公亭後東西廂房各三間正樓六楹下爲寢室樓東有花園內水閣方亭一座堂西爲諸吏公廡近廢儀門內東倉西獄南兵器庫旌善亭在縣治左申明亭在縣治右 縣丞宅在贊政廳東 典史宅在贊政廳南 主簿宅在架閣庫西 陰陽學在縣治左前明萬曆二十四年重建 醫學在縣治右前明萬曆二十四年重建 僧會司在資福寺 道會司在隆道宮 布政分司署在縣治西 按

察分司署在府館左 府館在布按分司之中 察院在縣治東明洪武四年建嘉靖間

重修 預備倉在縣治之南 社倉有六曰侯城曰石象曰白城曰大白曰范村曰上善

稅課局在縣治西街廢

惠民藥局在縣治右

演武場在縣城北門外

養濟院在

縣治北

漏澤園在城北門外

祁縣署在城西街明洪武三年建中為堂前為戒石亭左為庫房右為幕廳外為儀門東列承
 發司吏戶禮曹西列軍器架閣庫兵刑工曹堂後知縣宅吏舍在西曹之後舊廩在西曹之南
 旌善亭在縣門外左申明亭在縣門外右儀門左有土地祠賓賓館儀門右有犴獄有馬廄正
 南為譙樓大門創始者明縣丞丘昱繼飾者知縣王引張上達劉銳車錦魏域而賓館倉房則
 前令張應舉所括新也萬曆二十五年知縣韓朝貢包獄牆內外為甌牆高一丈五尺虎頭獄
 門一座小獄門一座建甌倉廩二座以藏積穀二門甌砌重新衙門改觀後被賊焚燬正堂五
 間 縣丞宅在架閣庫東裁 主簿宅在幕廳西裁 典史宅在東曹 陰陽學醫
 學俱在城東街明洪武二十三年建 僧會司在上生寺 道會司在太清觀 布政
 分司署在縣東街明洪武年創隆慶四年重繕 按察分司署在城南街東巷明萬曆三十
 一年建 府館在察院巷西明洪武年創 察院行臺在縣西街明洪武年創 新韓

鎮察院知縣韓朝貢建近毀

子洪分司署舊社倉基也

西關公館知縣韓朝貢建

盤陀公館在驛西明嘉靖十五年置

龍舟谷巡檢司署在北關鎮明洪武三年增設

預備倉在縣大門內東明萬曆八年建

社倉三處一在賈令鎮堡北門外一在西六支堡

中心路東一在子洪鎮館驛西

惠民局在縣治西知縣王牧建

草場在城隍廟東

養濟院明萬曆三十一年改建在北門外

漏澤園在縣西十里鋪西

徐溝縣署在城西北隅金創建明洪武三年知縣韓文寶增修永樂景泰間知縣李惟新重修

嘉靖十五年知縣王懷禮增修正堂連捲棚堂東爲庫堂西爲贊政廳堂階東下序吏戶禮三

房階西下序兵刑工三房儀門三間東西角門各一間儀門外東爲土地祠祠之東知縣王三

錫建寅賓館三間其西南隅爲獄內建阜陶祠一間監房共一十二間西側女獄一間舊週圍

環以土垣萬曆三十四年知縣柳捷芳四面以磚包砌大門舊制偏置東隅至萬曆二十五年

知縣江一龍創建大門三間門外建東西亭各二間其東名申明亭西爲旌善亭門之前建牌

坊一座東西亭等俱廢

皇清順治十五年知縣高直於宅內正北建樓三間堂東南建庫樓一座康熙三年知縣邊大父於縣宅週圍置高牆正堂後爲知縣宅縣治前抵街後抵城三十九年知縣簡能重建大堂三間倉庫房二間堂階東下序吏戶禮三房堂階西下序兵刑工三房儀門三間大門一座改廢牌坊二堂五楹四十九年知縣王嘉謨堂前創建牌坊一座儀門東重建土地祠 縣丞署在堂東南裁 典史署卽縣丞署 醫學在儒學對門後改爲書院又改爲公館 陰陽學在縣西城內廢 僧會司在城東南隅聖壽寺 道會司在縣西長春觀 布政司署在察院西明萬曆四十年重修崇禎年間廢 按察司署在縣治西路南明萬曆四十年重修明季倒塌 府公館在儒學街南北向明嘉靖十五年改爲書院萬曆三十六年後改爲府館公署

皇清康熙十六年知縣王鉉將西舊察院並南書院南司合建察院一座於書院南司原基 察院公署在縣治西明洪武間修嘉靖間再修萬曆間增修 演武場在縣西南路東周圍空基一十八畝明嘉靖二十年創建近廢止存基址 養濟院在縣南門內路東 漏澤園

在縣西南路西八蜡廟後地七畝四分七釐

義塚在北官路近五里墩明萬曆三十九年

創設地二畝

清源縣署在城內西北隋開皇中創建明洪武三年縣丞吳文煥復建其制大門四楹內爲儀門東西角門各一甬道中立戒石戒石之北爲正堂知縣和羹扁曰忠信堂東爲儀仗庫庫前有庫樓吏曹列於甬道左右公廡在東曹後堂後爲知縣宅

皇清順治十七年知縣和羹重建儀門儀門內東爲土地祠西爲犴獄儀門外東爲賓館順治十七年知縣和羹重建大門大門內東鐘樓順治十七年知縣和羹重建大門內西鼓樓廢大門外申明亭在左旌善亭在右二亭俱順治十七年知縣和羹重建 縣丞宅在縣堂西廢

典史宅在縣西南隅

醫學在縣治西北向廢

陰陽學在縣治西北向廢

僧會司

在淨梵寺

道會司在太微觀

布政司署在縣治東

按察司署在布政司右後併

爲布政司署廢

府館在布政司南廢

察院在縣治東因近水爲患順治十六年十七

年重修二次

預備倉在縣西南隅

演武場在縣治北

養濟院在城內西北隅

漏澤園在城西街

交城縣署在城內西北隅元大德八年建鐵冶都提舉司元末革至今猶有金火廟址明洪武三年改爲縣創建者無徵景泰元年典史邵琮增修中爲堂扁曰牧愛東西分列六曹中爲戒石銘亭堂內左爲公贖庫鐵門中甃爲窖縣令吳騰龍建右爲軍器庫貯軍裝器具火藥縣令韓廷用建後爲至公堂東爲茶房西爲內庫前爲儀門二角門東爲輕犯監卽金火廟爲女監西爲犴獄周圍三十七丈一尺垣高一丈七尺底用大石入地六尺厚如之俱引磚壁障百有十一女牆三尺中央看監樓一座西南兩角冠以警鋪知縣吳騰龍建承發科架閣科倚六房之南儀門之外知縣齊一經改土地祠又建寅賓館迤南舊爲申明亭改爲紀綱法度櫃房西舊爲旌善亭改爲公平正大櫃房首爲大門上冠譙樓外榜縣號歲久且敝吳騰龍重修之大門外建申明亭於東旌善亭於西皆南向外豎坊表自申明亭以下天啟年俱改造

皇清知縣趙吉士重修大門樓三間門內左側創建里長值年房三間迤北修寅賓館一所易三楹爲五楹扁曰四知堂復建鄼侯土地祠各一楹廚舍二間修二門三間東西角門二間扁曰儀

門仍明知縣吳騰龍筆儀門內修大堂三間堂東架閣庫三間堂西鑾駕庫三間堂下修書吏房各九間丹墀東西修皂隸值班房各二間東修快手值班房一間西修民快值班房一間禁卒所一間東南修糧櫃所四間圍以木柵西南補修縣監一所至於內宅卑隘圯壞萬曆二年知縣齊一經改修之至

皇清康熙七年知縣趙吉士重建二堂五間創建內宅門三間三堂五間東西偏房各一間四堂五間東西廂房各二間五堂五間東西廂房各三間臥琴軒三間迤南小房一間西修小房六間四面砌以磚石圍牆一帶北建別館一院建亭一座建遙集臺一座臺下修東西小房二間內馬廠七間馬夫住房五間飼料房一間東角瞭望樓二間牆西創修平房七間廚房三間住房一間外馬廠一十一間草房三間馬王廟一間西角瞭望樓一間康熙四十一年知縣余卿自照牆頭門賓館鄧侯廟儀門書吏房庫大堂二三堂內室書房及廚竈馬廐垣牆皆修葺康熙四十三年知縣張丙厚以縣丞舊廡建東廳書房十三間康熙四十六年知縣洪璟將堂房庫舍次第重修并建東圍門院亭一座顏曰寄閒 縣丞署在大堂東

皇清康熙四十年裁 主簿署在大堂西明萬曆四十年裁 典史署在大堂西 醫學在

縣東廢 陰陽學在縣西廢 僧會司在定慧寺 道會司在元禎觀 布政分司

署在察院東廢 按察分司署在布政分司東廢 察院在縣治東廢 故交巡檢司

署在故交村

皇清康熙四十年建 預備倉在縣西元禎觀南

皇清康熙四十四年修 惠民局在縣治前廢 養濟院在南關廂街西 漏澤園在風雲

雷雨壇計地一畝七分 義塚在通濟河灘

文水縣署在城西北隅建修年月詳不可考大略肇創宋元符間縣令薛昌明洪武四年知縣
楊冲安張羽成化年高安弘治年劉偉嘉靖年李潮樊從簡萬曆年馬斯和崇禎年白澤至

皇清康熙九年知縣傅星重加修飾以宅西空地爲馬廐菜園 旌善亭在縣門左申明亭在縣

門右 典史署 陰陽學在縣門左毀 醫學在縣門右毀 僧會司寄東嶽廟

道會司寄關帝廟 布政司署在城南街西 按察司署在城隍廟街 察院在城東

街 常平倉 惠民藥局在縣西北隅 養濟院在縣治旁 漏澤園在縣西一里

壽陽縣署在城中東北隅明洪武初知縣吳原庸建嘉靖間知縣于澆白檀重修江櫓增置鼓樓萬曆五年知縣王養賢復修

皇清順治十年知縣鄧起琳除主簿廢宅創建公宇鑾駕庫在堂左贊政廳在堂右庫在贊政廳左戒石亭在正堂前公廡在縣署西南隅近廢東卽獄知縣宅在堂後六房科在正堂下東西列寅賓館在儀門外東北隅鼓樓在大門上收稅房在大門內申明亭在大門外左近廢旌善亭在大門外右近廢彰善亭在縣門內東邑令吳昌祚新設紀惡亭在縣門內西邑令吳昌祚新設 縣丞署在鑾駕庫東廢 主簿署在贊政廳西廢 典史署在縣署西南隅

陰陽學醫學 僧會司在廣度寺內 道會司在城隍廟內 太原行司署在旌善亭

西廢 察院在縣治東 預備倉在西門內 社倉在縣治南明萬曆間知縣江櫓建

至天啟間廢 守備署按察行司署改 演武場在縣西二里 養濟院在縣治西北

漏澤園

孟縣署在城東北隅因隋唐宋元之舊明初縣丞趙梓重建

皇清知縣張佳珩重修內外規制與各邑同舊縣治頭門譙樓年久傾圮儀門亦坍塌且規模卑隘與頭門不稱康熙三十四年五年六年第次重修顏譙樓額曰安阜巍然屹立贊政廳在縣堂之右其西爲馬廐南爲犴獄申明亭在譙樓之南賓賓館在縣治之左 典史署在縣治之

左 陰陽學醫學俱缺

僧會司在三聖寺

道會司在城隍廟

預備倉在申明

亭南

藥局舊缺知縣蔡璜於縣署東設局

遊擊署卽察院行臺在新街之南

演

武場在城西二里許

養濟院

漏澤園

靜樂縣署在城西北隅卽漢汾陽縣治宋憲州治增清安堂明初知縣南儀修洪武二年縣丞譚章修正堂堂左爲贊政亭又東爲鄧陽侯祠堂右爲架閣庫堂後爲退思亭又後爲寢宅其南爲獄又南爲草廩堂下六房北爲賓館崇禎元年知縣任秉衡修大門起層樓

皇清康熙二十三年知縣張彥紳建靜安堂申明亭額曰彰善癉惡

縣丞署在縣宅東

主

簿署在縣宅西

典史署在縣宅之前

醫學在縣治東

僧會司舊在興國寺